

1872.

15. júní.

67. Bréf dómsmálastjórnarinnar til amtmannsins yfir norður- og austurumdæminu, um styrk til þess að bæta smjör- og ostatilbúning á Íslandi.

Útaf bænarskrá, sem hingað hefir borizt, hefir dómsmálastjórnin veitt cand. phil. Skapta Jósepssyni 100 rd. styrk til þess að kaupa áhöld, sem höfð verða við tilraunir til að bæta smjör- og ostagjörð á Íslandi. Þetta gefst yður, herra amtmaður til vitundar, yður til leiðbeiningar og til þess þér birtið það hlutaðeiganda, og skal því við bætt, að dómsmálastjórnin hefir hlutast til um, að þu þetta verði borgað cand. polyt. Th. Segelcke, sem hefir lofað, að sjá um að fænu verði varið eins og ætlað er.

21. júní.

68. Bréf kirkju- og kennslustjórnarinnar til stiptsyfirvaldanna yfir Íslandi, um jarðnæði handa presti.

Í bræfi, dagsettu 6. apríl þ. á. hefir stiptamtið og þér, háæruverðugi herra, látið uppi álit yðar útaf gjörð hlutaðeiganda héraðsprófasts, hins setta sýslumanns í syðri hluta Barðastrandar sýslu og fleiri manna, sem fram fór 20. júní f. á., til þess að vísa á jarðnæði handa Andrèsi presti Hjaltasyni í Flatey; með gjörð þessari var honum að eins fengið 2½ hundr. af Flatey til grasnytja og skýrskotað jafnframt til þess, að prestur mundi efnalaus og ófær til að hafa meiri jörð undir, en prestur hefir lýst því yfir, að hann sè óánægður með þetta, og heimtað, að sèr verði fengin þau 10 hundr. af Flatey, sem útnefnd voru til afnota handa prestinum þar með gjörð 26. júlí 1809, eða að minnsta kosti 5 hundr. með tilheyrandi húsum. Útaf þessu gefst yður til vitundar, yður til leiðbeiningar og til þess þér birtið það, að jafnframt og byggt er á því, að það sè rétt, sem prestur til greinir um innihald tæðrar gjörðar, 26. júlí 1809, í bræfi til stiptsyfirvaldanna, dagsettu 12. júlí 1870, að með henni sè útnefnd þessi 10 hundr., og ætluð prestinum í Flateyjarkalli til

afnota framvegis, að eins með því skilyrði, að eigandinn sjálfur hafi rétt til afnotanna, ef hann útvegar prestinum önnur 10 hundr. í Flatey jafngóð og jafnhagkvæm, verður stjórnarráðið að álíta, að Andrés prestur Hjaltason hafi heimild til að heimta, að jarðnæði það, sem þannig er útnefnt handa prestakallinu, verði honum fengið, og að það verði gjört með tilstilli fógetans, ef á þarf að halda.

Enda þótt stjórnarráðið þannig eptir málsgögnum verði að álíta gjörð þá ónýta, sem fram fór 20. júní f. á. til þess að úthluta Andrési presti Hjaltasyni jarðnæði, og þótt það að öðru leyti þyki sjálfsagt, að sá, sem beiðist gjörða þeirra, er nefndar eru í konungsbréfi 18. apríl 1761, greiði kostnaðinn við þær, þykist stjórnarráðið samt geta leyft, sökum þess, að hér stendur sèrstaklega á, samkvæmt tillögum yðar, herra stiptamtmaður, og yðar, háæruverðugi herra, í bréfi 4. nóvbr. f. á., að kostnaðinn við téða gjörð, sem er 35 rd. 48 sk., megi greiða af því fê, sem í áætlun um tekjur og útgjöld Íslands er ætlað til óvissra útgjalda, sem uppá kunna að koma, á yfirstandanda reikningsári, og höfum vér í dag skrifað landfógeta að borga fêð, er þær gjörið tilkall til þess.

1872.
21. júní.

69. Bréf kirkju- og kennslustjórnarinnar til stipsyfirvaldanna yfir Íslandi, um sölu á Haukstöðum, eign Hofskirkju i Vopnafirði.

22. júní.

Eptir að hingað hafði borizt bréf stiptamtsins og yðar háæruverðugi herra, dagsett 22. apríl þ. á., hefir hans hátign konunginum, samkvæmt þegnlegum tillögum kirkju- og kennslustjórnarinnar, þóknazt 17. þ. m. allramildilegast að fallast á að selja megi frá Hofskirkju í Norðurmúlasýslu í norður- og austur-umdæmi Íslands jörðina Haukstaði með hjáleigunum Hólum og Skálamó og tveimur kúgildum leiguliðanum á tæðri jörð, Birni Gíslasyni, fyrir 3,500 rd., þannig að minnst 2,000 rd. af and-